

漢書門  
類號函架册  
一六〇八  
一六〇八

內閣文庫  
漢書  
類號册架  
一六〇八  
一六〇八  
函架

內閣文庫	
番號	漢 12608
冊數	160 ( 86 )
函號	300 211

百




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







重校聖濟總錄卷一百

震澤汪鳴珂瑤圃全弟鳴鳳蘭圃校

程 助懋哉校訂

諸尸門

諸尸

遁尸

飛尸

尸注

諸注門

諸注

風注

走注

鬼注

氣注

中惡

重校聖濟總錄

卷一百 諸尸門

一

卒魘不寤

卒死

尸厥

鬼魅

鬼擊

諸尸統論

論曰人身中有三口諸蟲與人俱生常忌善而好惡能與鬼神通每接引外邪與人為害謂之尸病其狀沉沉默默不知所苦而無處不惡或心腹痛脹或礫塊踊起或攣引腰脊或精神錯雜變狀不一有飛尸者有伏尸者復有遁尸沉尸風尸之異久不已停注留滯及死又注易傍人則為尸注

之病矣

諸尸

諸尸諸為病因不一其最重者惟五尸若得之疾遠如飛走狀者名飛尸停遁不消者為遁尸沉痼在人臟腑者為沉尸衝風則發者為風尸隱伏積年不除者為伏尸唯此五尸之氣變態多端各各不同大率皆令人沉沉默默痛無常處五尸之外復有尸氣雖各有證然其為病大同小異而已治法亦可通以一法治之

雄黃丸方 治五尸瘕積及中惡心痛蠱注鬼氣

雄黃 丹砂 礬石 牡丹皮 巴豆去皮心麩

炒研附子 藜蘆炙去蘆頭各一兩蜈蚣去頭足炙一枚

共八味爲末鍊蜜丸如小豆大每服二丸米飲

下食前服

丹砂丸方 治五尸蠱注中惡客忤心腹刺痛

丹砂一兩 巴豆去皮心麩炒三十枚 乾薑 芎藭 芫

花醋炙 烏頭各一兩 赤小豆 桂心各一兩半 野葛

吳茱萸湯浸各三分

共十味爲末鍊蜜丸如小豆大每服二丸米飲

下空心服

丹參丸方 治五尸蠱注中惡客忤心腹刺痛

丹參一兩 芍藥一兩半 芎藭 芫花醋炙 烏頭

去皮乾薑各一兩 桂心一兩半 野葛皮炙黃半兩 吳茱

萸炒半兩 蜀椒去目并合口者炒出汗 梔子仁各一兩 巴豆

去皮心麩炒十枚

右十二味爲細末鍊蜜丸如小豆大每服三丸

米飲下日二服

雄黃丸方 治五尸注百毒惡氣飛尸客忤無所  
不治

雄黃 鬼臼 去毛 炙 莽草 各二兩 蜈蚣 去頭足 炙一枚 巴

豆 去皮心膜炒研 出油六十枚

右五味為末鍊蜜為丸如小豆大每服一丸至  
二丸米飲下得利即愈

雄黃丸方 治卒中飛尸遁尸沉尸風尸腹痛脹  
急不臥氣息上衝心胸及攻兩脅或礫塊踊起  
或攣引脊腰

雄黃 研 大蒜 各一兩

二味爛擣丸如彈子大每服一丸熱酒化下須  
臬未差更服尸癰者常宜預收此藥

一方用蒺藜子炒鍊蜜丸小豆大  
惡氣散方 治五尸鬼注百毒

桂心 乾薑

二味擣羅為散每服三錢炒鹽少許溫水同調  
下

疾藜子丸方 治中五尸腹痛脹急不臥喘息上

衝心胸及攻兩脅或礫塊踊起攣縮引腰脊

蒺藜子 炒去角 二兩

一味為末鍊蜜丸如小豆大每服二十九丸食後

水下

遁尸

論曰遁尸謂尸伏埋染注連滯在於胸腹盲膜之間尋常如無病人若因喜怒不節飲食傷動其隱之疾發則心腹脹痛連及肱脅氣喘促急不得安臥者是其證也

天雄散方 治遁尸注在傍人或入腹中化為蠱

毒有聲或在咽喉或入諸脈不在一處入人腹內蠱成蝕人五臟入心令人面赤入肺令人白少氣入肝令人面青善怒轉筋入腎令人善呻吟面黑腰痛耳聾入脾令人面黃不嗜食飲羸瘦小便數胸中噎塞嗔喜無常及妖魅百注為病

天雄 去皮臍 一兩 蜈蚣 去足微 炒一枚 莽草 炒 一兩 雄黃 研 二兩

兩 乾薑 二兩 烏頭 去皮臍 一兩半 珍珠 研 一兩半 桂 二兩

蜀椒

去目并合口者

細辛

各一兩半

芫青

去足翅炒四十九枚

丹砂

一兩

防風

一兩半

犀角

一兩

鬼臼

去毛炒一兩

斑蝥

去翅足炒三十五枚

共十六味擣羅爲末散每服一錢空心以清酒調下日再服

鶴骨丸方

治初得遁尸及經年不差心腹短氣

鶴骨

炙三寸

羊鼻

炙微焦二枚

乾薑

一兩

麝香

半兩

蜥蜴

去頭足炙微焦一枚

斑蝥

去翅足炒十四枚

雞屎白

微炒一兩

芫青

去翅足炒二十枚

巴豆

去皮心麩炒出油盡二十枚

共九味擣研爲末拌勻鍊蜜和丸如梧桐子大

每服空心米飲下二丸以吐利爲度

麝香丸方

治遁尸經年不差心腹刺痛短氣

麝香

半兩

蜥蜴

去頭足炙一兩

鶴骨

微炒三寸

殺羊鼻

炙令

焦黃二兩

乾薑

一兩

雞屎白

炒二兩

藜蘆

一兩去蘆頭炙

鬼

白

去毛微炙一兩

丹砂

研一兩

桂心

一兩

巴豆

去皮心麩炒出

油五枚

芫青

去翅足炒二十枚

共十二味擣羅爲末拌勻鍊蜜丸如小豆大每服空心以米飲下二丸日二服加至五丸止以



利為度

木香湯方 治初得遁尸鬼注心腹中刺痛不可

忍

木香三分

鬼箭羽一兩

桔梗一兩

丁香三分

陳橘皮去白炒一兩

紫蘇莖葉微炒一兩

當歸一兩

白檳

榔火煨十枚

桃仁湯浸去皮尖雙仁炒黃色十四枚

右九味擣篩每服五錢水煎溫服日二服不計

時候

木香湯方 治初得遁尸鬼注心腹中刺痛不可

忍

木香一兩

鬼箭羽

桔梗

紫蘇莖葉炒令焦

當

歸各一兩

白檳榔二兩

右六味擣篩每服三錢入生薑一分同煎溫服

空心日三

桃裊湯方 治遁尸鬼注腹中刺痛不可忍

桃裊十四枚

鬼箭羽

木香

丁香各一兩

陳橘

皮去白微炒

紫蘇莖葉微炒

桔梗

當歸各一兩半

檳榔火煨

十四枚

共九味每服五錢生薑一分同煎溫服

蒸熨方 治遁尸飛尸及風毒腫流入頭面四肢

芥子 蒸熟焙 一斤

一味為末以鉛丹二兩拌之分作兩處用陳布袋盛之更換蒸熟以熨痛處

飛尸

論曰飛尸者其狀令人心腹刺痛氣息喘急脹滿上衝心胸是也此病忽然而至疾如飛走故謂之飛尸

附子散方 治一切飛尸鬼注風痺身體皆痛如

鍼刀刺嘔逆痰癖除五勞七傷萬病

附子 去皮 臍 烏頭 去皮 臍 芫青 去翅 足炒 雄黃 丹砂

研 乾薑 炮 細辛 人參 莽草 炙 蜀

椒 去目并閉 日炒出汗 鬼臼 去毛微炒 各一兩 蜈蚣 去頭足 炙一枚 蜴 去頭足 炙一枚

共十三味為散每服空心溫酒調下半錢

走馬散方 治飛尸入腹脹滿刺痛氣息喘急

巴豆 二枚去 皮心 杏仁 二枚去 皮尖

二味以綿纏椎令極細投熱湯二合以指研取白汁分三服飲之食頃當下老小量加之

雄黃散方 治一切飛尸鬼注身痛如刺

雄黃 甘草炙 黃芩各半 梔子 芍藥各一兩

共五味為散每服以溫酒調下二錢再服不拘時

細辛散方 治飛尸在人皮膚中又名惡脈亦名賊風發時急頭痛不在一處如鍼灸則移發時

或一日或半日方微差須臾又復發

細辛一分 桂心三分 附子去皮臍一兩 雄黃兩半  
乾薑一兩 烏頭去皮臍一兩 天雄去皮臍一分 珍珠末三分 莽草炒一兩

共九味為極細散每服空心用米飲調下一錢日二服 一方用酒服

三黃散方 治飛尸病腫光如油色無常定處  
黃連 黃蘗微炙 陳橘皮湯浸去白炒各一兩

三味為散入丹砂少許合研令勻每服二錢沸

湯點服不拘時候

治飛尸腹痛脹急衝心攻脅方

右方取雞子一枚取白生吞之

瓜蒂散方 治飛尸心痛氣急胸滿宜取吐

瓜蒂 赤小豆 雄黃 各一兩

三味為散拌勻每服空心溫酒調一錢取吐惡

物

尸注

論曰尸注者尸病注易於人也多因哭泣感染尸

氣流注身體令人寒熱淋瀝沉沉默默不的所苦  
而無處不惡或腹痛脹滿喘急不得息上衝心胸  
傍攻兩脅或礫塊踊起或攣引腰脊或舉身沉重  
精神不爽每更節令愈加煩滯不治者死死則注  
易傍人故名尸注

茯苓湯方 治尸注發作無時腹脹喘急上衝心

胸傍攻兩脅

赤茯苓 桂心 各三兩 芍藥 當歸 生乾地

黃 木香 芎藭 各半兩 鬼箭羽 桃仁 去皮尖雙



仁炒  
三分

共九味每服三錢水煎溫服

阿魏丸方 治尸注心亂如醉狂言驚悸夢與鬼

交精神錯謬疾熱數變

阿魏 半兩醋化去沙 安息香 一兩酒化 木香 甘

草 炙 檳榔 各半 皂莢 十四挺猪牙者酥炙去皮子 麝香

研 天靈蓋 炙酥 人中白 研各一分 豉 微炒一分

右十味將六味擣為細末與別研四味和勻鍊

蜜丸如梧桐子大用童子小便一盞入烏梅三

枚葱白三寸浸一宿煎數沸五更初下二十九

桂香湯方 治尸注發歇無時心腹切痛

桂心 芍藥 木香 茈胡 各一兩 鼈甲 去裙襴醋

炙 芎藭 乾薑 吳茱萸 湯浸焙乾炒 常山 各三分

共九味每服三錢水煎溫服不拘時候

虎掌丸方 治尸注寒熱往來不思飲食心腹刺

痛

虎掌 丹砂 炒各半兩 白茯苓 龍齒 各一兩 蓬莪

茂 煨 當歸 各三分

右六味爲末用酒煮阿魏麩糊丸如梧桐子大每服二十丸薑烏梅湯下

鸛骨丸方 治尸注惡氣兼治百病

鸛骨 一寸 炙 桂心 半兩 蚩蟲 斑蝥 十四枚 去翅足炒

巴豆 三十粒 去皮心膜

共五味爲末鍊蜜丸如小豆大每服二丸溫水下日二

獺肝散方 治尸注鬼邪日漸沉頓

獺肝 一具 陰乾

一味爲散每服一錢水調下日三如一具未差更作服

丹砂丸方 治尸注鬼注變動多端

丹砂 研 雄黃 研各一兩 鬼臼 莽草 各半兩 巴豆

四十粒 去皮 蜈蚣 二條 赤足 心膜 不出油 者 生用

右六味將三味爲末與別研三味和勻鍊蜜丸如梧桐子大每服二丸溫酒下不拘時

神效密陀僧散方 治臨尸哭泣尸氣入腹沉滯

臟腑有時發動取勞積

密陀僧

半斤煨醋汁淘研控乾取六兩

訶梨勒

不去核生用一兩

京

三稜

煨搗末二兩

三味合研令勻每服二錢用煮麩濃湯下當晚不食臥一服餘時切餅湯服三夜次夜當下惡物不下第三夜加生牽牛子末一錢同調下

杏仁丸方 治尸注

杏仁

去皮尖雙仁炒

亂髮灰

各一分

二味研勻和丸如小豆大每服五丸豬膏酒調下

蜀椒熨方 治尸注

蜀椒

一斤

一味帛裹於注上以熨斗盛火熨椒令熱汗出神效

丹砂丸方 治五尸蠱注中惡客忤心腹刺痛

丹砂

研

乾薑

芎藭

烏頭

去皮臍各一兩

赤芍

藥

桂心

各二兩

野葛

吳茱萸

湯浸各三分炒

巴豆

去心皮炒出油十枚

芫花

醋浸半日炒焦色半兩

共十味搗研為末鍊蜜丸如梧桐子大每服五

丸米飲下日二服

鶴骨丸方 治尸注邪氣流傳忽然悶絕時發寒

熱淋瀝或腹痛脹滿

鶴骨

酒炙

雄黃

研各一兩

桂心

大黃

各三分

麝香

研半兩

丹砂

一兩

赤足蜈蚣

一條酒炙

右七味搗羅為末鍊蜜和丸如梧桐子大每服二十九桃枝煎湯下

諸注統論

論曰諸注者邪氣所注也皆因精神衰弱經絡空虛傷於風寒暑濕飲食勞倦或感生死之氣或挾鬼物之精初為中惡客忤卒死諸尸之類雖或暫差必有邪氣伏於經脈流傳腑臟深入骨髓經久不已皆成注病變狀多端時發時差令人昏悶無處不病若因風寒暑濕之邪所注者則為風寒注涼注冷注溫注之病若因飲食勞倦之邪所注者則為食注飲注酒注水注之病若因生死之氣而為其邪所注者則為喪注哭注轉注之病若因挾鬼物之精而為邪所注者則為鬼注邪注尸注殃



重刊聖濟總錄 卷一百一十四 諸注門  
注之病犯土禁得注者爲土注產後得注者爲產  
注虛勞所成注爲勞注邪氣外侵爲泄注凡此諸  
注以受病之因爲名也邪注於肺則爲氣注邪注  
於勞則爲血注久注不已傷損骨髓則爲骨注凡  
此諸注以病之所在爲名也又有石注者言其牢  
強如石走注者言其遊走無常凡此諸注以病之  
形變爲名也名類雖多各有形證合而言之皆注  
病也治注病者欲辨是非但覆紙於痛處燒髮令  
焦投於紙上若變粘紙者注氣引之也不粘者非


注也審知其因隨證治之無專門者診脈浮大者  
可治細而數者難治

諸注

論曰諸注者邪氣停而爲病也蓋由經絡空虛傷  
於風寒暑濕或因飲食勞倦或因大病後氣虛邪  
氣流注或感死氣或犯鬼邪皆致是疾其狀變易  
不同各隨其本而治之也

大黃飲方 治五注卒中賊風遁尸鬼邪心腹刺

痛脹急



大黃煨

桂心各一兩半

赤芍藥

甘草各一兩 烏頭各一枚

頭去皮臍五枚

共五味剉如麻豆每服五錢入生薑一分蜜一匙同煎溫服

丹砂雄黃丸方

治卒中惡五注五尸入腹胸脅

急痛鬼擊客忤停尸垂死者此藥入喉即愈若口噤則幹開不可幹者扣一齒折以竹管下藥先以少許湯或水內藥竹管瀉喉中

丹砂研

甘遂煨

附子去皮臍

雄黃研各一兩

豆

豉暴乾

巴豆去皮心去油

右六味除巴豆外擣研為末將巴豆研勻鍊蜜丸如梧桐子密器貯之每服二十丸米飲下以知為度未知加丸數服若不發者以粥飲投之利不止者與醋飲一兩匙止之

赤芍藥丸方

治五尸注

赤芍藥一兩

吳茱萸湯浸焙乾炒

丹砂研

烏頭

去皮臍 蜀椒去目并閉口者炒出汗各半兩

乾薑三分

桂心一兩

共七味擣羅為末鍊蜜丸如小豆大每服十丸

空腹溫酒下日三

丹砂丸方 治五注瘦病伏連諸鬼氣

丹砂

一兩

麝香

研三分

桃仁

湯浸去尖雙仁炒研七十枚

三味各研細再和勻入少鍊蜜丸如小豆大每服十九米飲下日三

獺肝散方 治諸注令人沉默不知所苦累年積

月以至全家流注

獺肝

一具陰乾

一味擣羅爲散每服一錢熱水調下日三服

阿魏醋餠餒方 治五注復連及親近死尸致惡

氣入腹終身不愈者

阿魏

研一分

一味以頭醋和麩半兩入阿魏裏作小餠餒熟煮作三次吞之一日令盡服滿三七日永差

獺肝散亦能治

麝香丸方 治五注積年心痛鬼氣蠱毒病悉療

麝香

研三分

牛黃

研

藜蘆

炙

赤米

鬼臼

去毛炙各半兩

當歸

三分

芍藥

蜈蚣

去頭足一枚炙

雄黃

研各半兩 白茯苓 桔梗 金牙 桂心 人參

各三分 乾薑 吳茱萸 貫衆 丹砂 研三分

鬼箭羽 兩半 巴豆 去皮心油 獺肝 具炙一 蜥蜴

炙去頭 足一枚

共二十二味搗研為末鍊蜜丸如小豆大每服

五丸空心米飲下日再服加至七丸

殺鬼丸方 治五注伏尸等病

虎頭骨 酒炙三兩 藜蘆 兩六 豬牙皂莢 炙 鬼臼

雄黃 研 蕪荑仁 天雄 去皮臍 各一兩

共七味為末鍊蜜丸如小彈子大每用燒一丸

五月五日午時合佳

萬病丸方 治五勞七傷尸注所侵心腹疼痛飲

食不下兩脅鼓脹皮膚縮攣

遠志 去心 澤瀉 石斛 柏子 研別 雲母 飛水

石韋 去毛 杜仲 炙 天雄 去皮臍 牛膝 酒浸

熟乾地黄 焙 白茯苓 菖蒲 山芋 續

斷 肉蓯蓉 酒浸 乾薑 甘菊花 桂心

五味子 蛇牀子 山萸 各半 桔梗 防風

白朮 各一兩 附子 去皮臍四枚 細辛 三分 天門冬

一兩半

右二十七味擣羅為末鍊蜜和丸杵千下丸如梧桐子大每服二十九空心溫酒下春秋日再服夏季日一服冬季日三服如久服即減天雄附子各一半

麝香散方 治諸注

烏雌雞 一隻籠罩勿與食三日只與水喫至第四日後日以活蜣螂與雞食令飽  
住便下糞焙 麝香 一分 獺肝 炙熟乾一兩  
乾取一兩

三味獺肝擣羅為散次入麝香雞糞再研極細

每服三錢以米飲調下日三

野狐丸方 治五注與鬼神狐狸精魅鬼疰交通

野狐鼻 七枚 豹鼻 七枚 狸頭骨 一枚 雄黃 一兩

鬼箭羽 一兩 阿魏 二兩 白朮 一兩 露蜂房

一兩 驢馬狗駝牛毛 各四分燒作灰若用骨加炒 大蟲頭

骨 一兩 五花龍骨 一兩

共十五味擣羅為末攪和令調勻又以水煮出脂候烱接取以和之時勿以手攪將大蟲爪和

攪爲丸用水磨下一丸分一半別研雄黃末爲衣以牀下火燒之衣被覆之勿令洩藥烟并氣未汗出水磨二丸分飲一半須臾候等時如汗不通約行十里再煖餘一服溫喫服後平身坐少時平身臥熱烘衣被和頭通身蓋臥令厚煖服藥處須煖房中無令風入始汗出以燈燭照手足指及節間當有毫毛生出如青黃白色卽一服見效如赤色須三次服如毛黑色必死之證如汗出以青絹拭徧身日出時於黑漆盆內洗之當有蟲如麩片是驗大腸取下黑水紫點一惡黃白膿涎如諸般蟲等物是效次卽服和氣藥

防己散方 治尸注傳尸服逐下藥後補虛

防己 人參 白茯苓 鬼臼 鬼箭羽

附子 去皮臍 麴 炒各一分

共七味爲散每服二錢以桃仁研泔一盞煎至六分溫服日五

皂莢丸方 治諸注

重校聖濟總錄 卷一百一 三 燕遠堂

豬牙皂莢 去黑皮 酥炙 白馬夜眼 炮令黑色 安息香 炒

黑斑蝥 以占米炒令米黑色去米 蜈蚣 一條

黃蛇蛻 一條炒 粉霜 三錢炙二錢水滴和為餅子煨令黃色研以上

雄黃 研 丹砂 研 硃砂 研 牛黃 研

犀角屑 胡黃連 各二錢

共十三味同研令勻以黃狗膽汁為丸如梧桐子大別以丹砂末為衣每服五十九四更盡以桃仁煎湯下

風注

論曰風注者由體虛風邪之氣客於榮衛邪氣行遊連滯停注故名風注其狀皮肉掣振痛無常處一年之後則有頭髮墮落頸項掣痛骨拉解鳴目疼鼻酸牙疰之證又十二風所注不同溫風所注頭痛欲解髮汗風所注頭痛體熱骨節兩強柔風所注遊腫在腹或在手腳水風所注噉食服臥汗出九風所注腦轉肉裂目系痛惡聞人聲絕風所注暴倒仆口有白沫顛風所注披髮狂走遇物擊破狂風所注叫呼罵詈獨語談笑寄風所注口噤

重校聖濟總錄 卷一百一 諸注門 三 燕遠堂

面喎四肢不隨糾風所注體生瘡眉毛墮落蚝風所注癢痺如蚝螫瘡或癢或痛罩風所注舉身戰動或鼻塞其狀雖異其為邪氣停注則一也

安息香丸方 治一切風注痛

安息香 研

乳香 研各一兩

白膠香 研

地龍 去土

炒研為末 各半兩

胡桃仁 研三枚

沒藥 研一分

桃仁 去皮尖雙

仁研七枚

共七味同研勻為細末酒煎為丸如彈子大每服一丸溫酒化下

金牙散方 治風邪注氣及南方百毒瘴氣疫毒

脚弱腫痛濕痺

金牙 一兩

芫青 去翅足炒十七枚

斑蝥 去翅足炒

亭長 去翅

去翅

足各七枚 雄黃 研

蜥蜴 去首足一枚

龍膽 去蘆頭

丹砂

研 牡桂 炙

蜈蚣 去頭炙一枚

大黃 醋拌炒

防風

曾青 研

白茯苓

松脂 研

桂心

乾

薑 烏頭 去皮臍

細辛

蛇蛻皮 炒

大戟

商陸 炙

野葛 炒

硝石

鶴骨

芫花 醋炒

寒水石

附子 去皮臍

人參

蜀椒 去目并閉口者



貫衆 炒出汗 龍骨 莽草 炙各一兩 露蜂房 炒

巴豆 去皮心出油 天雄 去皮臍 礬石 狸骨 炙 石

膽 研

共三十九味擣研為細散以絳囊盛半兩帶之男左女右食前以溫漿水或酒隨意調下一字以知為度

小金牙散方 治風邪注氣并瘡癘疫氣脚弱

金牙 一兩研 牛黃 一分研 天雄 去皮臍 草薺 炒各半兩 蜈

蚣 一條長五六寸去頭足炙焦 黃芩 由跋 湯浸去骨炒各半兩 桂

心 三分 莽草 半兩炙 細辛 半兩 萎蕤 三分 蜀椒

去目并合口者炒出油 犀角 三分 雄黃 研 丹砂 研

麝香 研各四兩 乾薑 三分 烏頭 去皮臍半兩 黃連 兩

共十九味除研藥外為散後入藥擣三百下令極細溫酒調服二錢日三夜二以差為度以絳囊盛半分男左女右帶者辟一切不祥夜行人塗鼻中晨昏露霧亦塗之一方無萎蕤由跋有女萎虎杖

細辛散方 治風邪氣注入臟腑悶絕目瞤痛身



冷或飛尸鬼注惡氣腫起周身流移無常驚悸  
腹脹氣滿心痛恍惚悲懼不能飲食陰下濕癢  
大便有血小便赤黃房中勞極

細辛 黃芩 甘草炙 芎藭 麻黃去根節

烏頭去皮臍炙 石菊 莽草 牛膝酒浸一宿 天雄去皮

臍各三分 附子一枚去皮臍去 秦艽 人參 牡蠣 乾

薑 桂心去皮 白茯苓各一兩 桔梗 白朮三分

當歸 獨活 芫胡一兩 桔萸去皮 杜仲

炙 防風一兩 蜀椒去目并合口者炒出汗各半兩

共二十六味擣羅爲散空心溫酒調三錢服訖  
半時辰更飲酒半斤

羌活湯方 治風注心腹刺痛上攻胸背

羌活三分 大豆炒一合 桑根白皮一兩 陳橘皮

去白三分 芎藭一兩 大腹并子焙三分

右六味擣篩每服三錢水煎溫服良久再服

走注

論曰走注者風邪客於衛氣也風善行而數變衛  
氣之行慄疾滑利邪氣相搏則淫溢皮膚去來擊

痛遊走無常故名走也

烏頭散方 治久患走注氣疼痛

烏頭去皮臍 曼陀羅子炒 地龍炒 牛膝酒浸

各半兩

共四味為散溫酒調半錢日再服

天雄散方 治惡風走注

天雄去皮臍 莽草 桂 蜀椒去目并合口者炒出汗 虎

頭骨炙酥 丹砂 雄黃研各一兩 木香半兩

共八味研為散每服一錢溫酒調下不拘時候

蒸熨方 治走注風毒疼痛流移不定

芥子一斤蒸熟暴乾為末 鉛丹二兩

二味和勻以疎布袋盛分二處更互蒸熨痛處

牛黃丸方 治走注惡氣偏僻皮膚疼痛如錐刺

背髀牽強伏連羸瘦發渴

牛黃一兩 人參 沉香 木香 枳殼 前

胡各一兩半 麝香 黃連 犀角 胡黃連各一兩

共十味研為末鍊蜜為丸如小豆大每服空心米飲下二十九日再服

枳殼丸方 治走注疼痛如錐刺皮膚風氣心腹四肢疼痛

枳殼去瓢 麩炒 厚朴薑汁炙 各一兩 犀角半兩 桑根白皮

一兩 檳榔二兩 煨 苡胡一兩 半 半夏湯浸焙乾為末 薑汁和作

餅暴 乾 大黃醋拌炒 各一兩

共八味為末鍊蜜丸如小豆大空心酒下二十丸

五香散方 治五尸鬼邪走注疼痛及風氣

沉香 丁香 木香 麝香 當歸 沒藥

研 薰陸香研 鬼箭羽 肉豆蔻仁各一兩

桂心去麤皮 鬼臼 牛黃研 金牙三分 陳橘

皮浸去白焙 犀角 人參 羚羊角 大黃煨

升麻 桔梗 桃仁去皮尖 雙仁炒 丹砂 安息香

研一兩 一分 附子去皮臍正 者一兩

右二十四味為散每服湯飲或酒調服一錢日

再

蛇牀子散方 治久患走注疼痛

蛇牀子 葇荬子 芸薹子俱炒 胡荽子

芫花 醋炒各一兩

右五味為散生薑自然汁煮麩糊調先用白礬湯洗痛處後貼之

鬼注

論曰鬼注者忽因鬼邪之氣排擊當時即病心腹刺痛悶絕倒仆如中惡狀餘熱不歇停積彌久有時發動連滯不已乃至於死死則注易傍人故謂之鬼注

玉壺丸方 治鬼注風冷飲食不消心腹脹滿攻

刺心痛大便不通

雄黃 研

丹砂 研

礬石 煨

附子 去皮臍

蘆巴豆 去皮心炒研去油各一兩

右六味為末鍊蜜和丸如小豆大每服二丸米飲下取快利為度小兒以意減之

千金丸方 治鬼注入腹面目青黑不知人及心

腹堅積結聚胸脇逆滿嘔吐宿食不消

雄黃 鬼臼 去毛炙 徐長卿 炒 礬石 煨 雌

黃 研 乾薑 蜀椒 各半兩 野葛 三分 射罔 一分

斑蝥 去翅足 十枚 地膽 去翅足 八枚

右十一味為末鍊蜜為丸如小豆大每服一丸

空心米飲下日三不知人加丸數以知為度若

百毒所螫牛馬踏傷癰腫瘰癧用一丸於掌中

津唾和塗痛處立效歲旦以椒酒長切各服一

丸終歲無病一方加丹參半兩瓜蒂四枚

八毒丸方 治鬼注中惡心痛積癖蠱注鬼氣

雄黃 研 珍珠 研 礬石 煨 牡丹皮 巴

豆 去皮心炒去油各一兩 附子 去皮臍三枚 藜蘆 二兩 蜈蚣

去頭足 炙一枚

共八味研為末鍊蜜丸如小豆大每服米飲下

二丸得吐為效

犀角丸方 治鬼注惡風入中肌膚淫淫躍躍流

無常處四肢不仁牽引腰背腹脅脹滿心痛氣

逆不得飲食吸呼短氣寒熱羸瘦善怒夢鬼交

通嗽唾膿血

犀角 桂心 各半兩 羚羊角 鬼臼 去毛 炙 牛黃

研 附子 去皮臍 獺肝 炙各一分 麝香 研一分 巴豆 去皮

心出油 蜈蚣 去頭足 炙一條 真珠 研 雄黃 丹砂

各半 射罔 一分 貝齒 燒十枚

共十五味研為末鍊蜜丸如小豆大每服空心

酒下二丸

木香湯方 治初得遁尸鬼注心腹刺痛不可忍

木香 丁香 各一兩 鬼箭羽 桔梗 炒 陳橘

皮 去白 炒 紫蘇葉 當歸 各一兩 桃梟 炒七枚 檳榔

七枚

共九味擣篩每服五錢入生薑一分同煎溫服

如人行五七里再服以利為度

至寶丹方 治中惡鬼注解一切毒

瑇瑁 鎊 雄黃 研 丹砂 研 安息香 酒化 重湯

熬成 白芥子 各一兩

右五味除安息香外擣研為末以安息香煎丸

如菜豆大溫酒研下十丸

回生丸方 治鬼注如中惡氣急腹脹滿如鼓攻

心即不可救

巴豆 去皮心膜 出油十粒 雄黃 水飛過 半兩

二味同研麪糊丸如雞頭實大陰乾每服一丸  
新汲水下

太極鰻魚煎方 治鬼注傳尸五勞七傷

鰻魚寸切洗淨三斤 附子一兩去皮臍去 芫胡三分 芎藭

貝母去心 鼈甲去裙襴 當歸切焙 知母

荆芥穗各一兩 蕪荑仁一分 木香三分 秦艽

青蒿子小便浸一宿 黃耆 木通各一兩

共十五味除鰻魚外擣羅爲末分作三貼每貼以鰻魚一斤清酒三斤於銀器內煮爛去滓入

藥末一貼重煎如稀餈以淨器盛空心溫酒下

一錢服了夜用被蓋出汗加至一匙

千金湯方 治尸注鬼一切勞疾

青蒿酒浸一宿 芫胡 秦艽小便浸一宿 柳枝 桃枝

桂心去麤皮 茯神 麻黃 白茯苓 鼈甲

去裙襴知母 枳殼 常山各一兩 天靈蓋一枚

浸酒浸二日 檳榔半兩 共和浸炙

共十五味擣篩每服五錢用童子小便半盞薤白五十莖豆豉五粒同煎熱服十服後十指甲



中生毛爲候或青白色者不治

氣注

論曰氣注者邪氣所注蘊伏於肺也肺主氣而通行表裏若爲注氣所傳則其病隨氣遊衝擊掣痛上喘奔急飲食不下是爲氣注之候

厚朴丸方 治一切氣注大腸結澀背膊刺痛氣注四肢及食物不消奔豚氣逆

厚朴

薑汁炙一兩

桂心

大黃

醋炒各二兩

桃仁

浸去皮尖

雙仁炒三兩

四味爲末研勻鍊蜜爲丸如小豆大每服三十丸米飲下食後臨臥服微利卽效一方加附子

一兩 去皮臍

白蕪荑散方 治氣注刺痛

白蕪荑

炒

附子

去皮臍

白檳榔

炒

陳橘皮

湯浸去白 乾薑

桂心

零陵香

各一兩

安息香

研半兩

兩 藿香子

三分

共九味搗研爲散每服三錢空心熱酒調下

千金丸方 治氣注羸瘦歷年停滯胸滿結痞飲

食或吐宿食不下中風鬼注

野葛炙四寸斑蝥十枚去翅足炒雄黃研雌黃研

乾薑 鬼臼去毛炙瓜蒂炒丹砂研礬石

鍊沙參 莽草 椒目炒各半兩地膽八枚去翅足炒

共十三味擣羅為末鍊蜜為丸如小豆大每服

酒下五丸日二服卒中惡悶絕不知人服二丸

老小一九牛馬舐踐豬犬所嚙癰腫若蟲毒所

嚙用一九於掌中唾和塗瘡口毒上立愈正月

旦日以酒服家中大小各一九一年中不病若

欲視病人先服一九佳

芫胡湯方 治注氣胸膈滿塞心背撮痛欲絕

芫胡 甘草炙各一兩半木香二兩檳榔煨十枚當

歸一兩半犀角二兩麝香研旋入

右七味除麝香外擣篩每服五錢水煎入麝香

少許再煎溫服

桃仁飲方 治注氣肩膊刺痛不移

桃仁去皮尖雙仁炒酸棗仁炒人參 赤茯苓

桂心 丁香 甘草炙

本草綱目卷之九 藥部 卷一百一十五 疝氣

共七味等分擣篩每服五錢水煎臨臥頓服

延胡索散方 治風冷注氣刺痛胸膈轉動不得

四肢厥冷面目青黃又如鬼氣狀

延胡索 橘核 人參各半兩 乳香 地龍去土

炒各一分

五味擣研為散每服一錢溫酒調下日再

調氣湯方 治氣注背膊疼痛心胸煩悶

京三稜煨 木香各一兩 檳榔煨三分 草豆蔻去皮

高良薑各一兩 當歸 芎藭各半兩 桂心去麤皮

人參各三分 芍藥 陳橘皮去白湯浸 白茯苓各半兩

陳麴炒一兩 阿魏麩裏煨半兩

共十四味除阿魏外擣篩再和勻每服三錢水

煎入鹽溫服

牛黃丸方 治注氣兼冷氣心腹痛或卒得注痛

如鬼祟

牛黃研 阿魏各半分 丹砂研 安息香各半錢

肉豆蔻去殼一枚 桂心去麤皮 木香 當歸各一分 檳

榔二枚 桃仁湯浸去皮尖雙仁四十九枚

重校聖濟總錄 卷一百一十五 諸注門 疝氣

共十味搗研為末用糯米飯為丸如麻子大每服十丸空心溫服用酒下日三

木香散方 治卒注氣

木香 當歸 白朮 桂心 白茯苓 各一兩

共五味搗羅為散每服二錢沸湯點服不拘時日三

卒魘不寤

論曰其寤者魂交其覺也形開勞形數驚恐心氣妄亂精神惛鬱志有搖動則有鬼邪之氣乘虛而

來入於寢寤使人魂魄飛蕩去離形幹故魘不得寤也久不寤以致死必須得人助喚并以方術治之乃蘇若在燈光前魘者是魂魄本由明出喚之無忌若夜暗處魘者忌火照火照則神魂不復入乃至於死又人魘須遠呼不得近而急喚恐神魂或致飛蕩也

鎮心丸方 治心氣怯弱常多魘夢恍惚謬忘

紫石英 二兩 丹砂 一兩 雄黃 研 白茯苓

茯神 銀屑 菖蒲 桔梗 人參 乾薑

甘草炙 遠志各二兩 防風 防己 當歸

桂心 鐵精 細辛各一兩

共十八味搗研羅爲末鍊蜜丸如梧桐子大每服十丸食後熟水下日三稍增之

小定心湯方 治形體虛羸心氣怯弱多魘善亡

茯神一兩 甘草炙 芍藥 乾薑 遠志

人參 桂心各二兩

右七味剉如麻豆大每服五錢棗二枚同煎溫服日三

治卒魘不寤方

右方搗薤取汁吹兩鼻孔冬月取薤絞汁灌口中

又方

右方以蘆管吹兩耳并其人頭髮二七莖作繩內鼻孔中割雄雞冠取血以管吹喉咽中大良

治卒魘方

右方以鹽灌之多少在意

治魘又惡夢方

重校聖濟總錄 卷一百  
右方用麝香不以多少安在頭邊佳又用灌香  
少許亦內在口中

又方

右方以雄黃如棗核繫在腋下令人終身不魘  
治卒魘不寤方

右方用伏龍肝末或雄黃末或桂心末以蘆管  
吹入兩鼻孔中

又方

右方凡卒魘之人多語聲不出不必高叫但散

統卧牀  
喚之其人當自寤

治卒魘寐不寤魂魄外遊爲邪所執錄欲還不得  
切忌火照治之方

皂莢 一兩去皮  
子生用

一味爲細散每用一字許吹入兩鼻竅中魘至  
死三四日猶活

治卒魘死方

右方以井底泥塗魘人目令人垂頭就井呼姓  
名卽活此法靈異莫測

又方

右方勿以火照但痛齧其足後跟及足大指爪  
甲卽活齧其踵不覺者宜用礬石散方見鬼擊  
門

中惡

論曰志弱心虛精神失守忤犯邪惡令人心腹暴  
痛悶亂如死無所覺知故曰中惡又曰卒忤蓋陰  
陽否隔氣道厥逆上下不通陽氣散亂故令人不  
知也氣還則生不還則死久不已則變注

治卒中惡客主五尸入腹鬼刺鬼排及中蠱毒淫

吐血下血及心腹卒痛腹滿寒熱毒病備急散  
方

雄黃二兩 丹砂一兩 附子去皮臍一兩 桂心 藜

蘆各一分 蜀椒去目并合口者炒出汗半兩 野葛三分 芫花

醋炒四錢 巴豆仁三十五枚去心

共九味將巴豆別治如脂餘爲細散以巴豆合  
擣令勻瓷器貯之密封勿洩氣遇急病水服一  
字許加至半錢老幼減半病在頭當鼻衄在膈

上則吐在膈下則利在四肢則汗出而愈

桃皮湯方 治中惡痛胸脅疼刺喘急

桃東行枝白皮

一兩

丹砂

一兩

梔子仁

十四枚

川當歸

桂心

各三兩

香豉

炒五兩

附子

一兩去皮臍去

吳茱萸

湯浸焙乾炒五兩

共八味除丹砂外剉如麻豆和勻每服五錢入

生薑半分再入丹砂末半錢同煎服

麝香散方 治卒中惡心腹刺痛去惡氣

麝香

一分

犀角屑

木香

各半兩

三味研為末散攪勻每服二錢空心熟水調下

日再未止更服

一方以伏龍肝和研水酒一錢

又方

韭根

一握切

烏梅

十四枚

吳茱萸

湯浸焙乾炒二兩半

三味以漆水五升煮以病人櫛內其中三沸櫛

浮者生沉者死者煮取三升時飲之

治中惡心腹痛欲絕方

伏龍肝

五合

鹽

一撮



二味和勻研細每服一錢水調下

桃皮湯方 治中惡喘急

桃皮

白楊皮

各一握

桂心

三兩

梔子仁

十四枚

珍珠

當歸

一兩

附子

去皮臍一兩

香豉

吳茱

萸

湯浸焙乾各半兩

共九味除珍珠外剉如麻豆每服五錢入生薑一棗大入珍珠末半錢攪勻溫服

治中惡遁尸心腹及身體痛甚者短氣不語以手按之得其痛處則病人色動恐人近之宜艾葉

傳方

右方取生艾小葉按碎傳痛上厚一寸餘以沸湯和灰作泥令熱傳艾上冷則易之不通再傳治中惡氣欲絕不省方

右方以皂角生為細末內鼻孔中一方用細辛等分取屑如胡豆大吹兩鼻

治中惡氣欲絕方

右方取新牛糞絞汁若無新者即以乾者汁服又方

重刊聖濟總錄 卷一百  
令人仰臥以物塞兩耳以兩竹筒內病人鼻中  
使兩<sup>人</sup>痛吹之塞口傍無令氣得出半日病人則  
噫噫則勿復吹也

卒死

論曰卒死者緣人有三虛一謂乘年之衰二謂逢  
月之空三謂失時之和賊風鬼邪之氣乘虛而入  
故令陰氣偏竭於內陽氣阻隔於外二氣壅閉不  
得升降厥風上行而暴絕也氣還則復生不還則  
死內經曰出入廢則神機化滅升降息則氣立孤

危蓋謂是也

治卒死及中惡尸蹇葱刺耳方

右以葱中央心刺耳中令人七八寸無苦使  
目中血出立活亦可男左女右刺鼻內一云耳  
中血出佳

又方

令二人以衣擁口以筆管強力吹兩耳困卽易  
人吹之

又方

以綿漬好酒手接之令入鼻中并時兩手勿令驚動

扁散治卒死方

濕牛馬糞絞取汁灌入口中令入喉若口噤者幹開灌之不可灌者扣折一齒下之若無新馬糞以水或人尿和乾者絞取用之

又方

半夏末如大豆許吹鼻中

又方

擣薤若韭取汁以灌口鼻中

又方

豬膏如雞子大苦酒一斤煮沸灌喉中

治卒死而壯熱者方

白礬 半斤

煮令消漬脚令沒踝

治卒死而目閉者方

騎牛臨其面擣薤汁灌耳中又末皂莢吹鼻

治卒死四肢不收失便者方

馬糞一斤以水三斗煮取二斗洗足又取牛糞一斤溫酒和綻灌口中

尸厥

論曰內經謂邪客於手足少陰太陰足陽明之絡五絡俱竭令人身脈皆動而形無知其狀若尸故曰尸厥蓋五絡皆會於耳中苟為邪所客則其氣逆厥上下暴隔五絡閉結而不通故俱竭而令人狀若尸仆焉治法宜當先刺其足中指爪甲上各一痛後刺手大指內側端如韭葉後刺手心主少

陰銳骨之端各一痛立已不已以竹管吹兩耳使氣脈疎通內助五絡然後以藥石治之

通微丸方 治五絡閉竭病發尸厥不知人

營實根 五兩 薔薇根是也 白微 三兩 虎骨 獺肝

五靈脂 各二兩 丹砂 別研 硝石 別研 雄黃 別研

代赭 別研各一兩

共九味羅為末鍊蜜和丸如彈子大溫水香酒化下一丸日三以知為度不計時

治尸厥之病而脈猶動聽其耳中循循有如嘯聲

而腹間煖是也耳雖無嘯聲而脈動亦當以尸厥救立甦方

右方以竹管吹其左耳極三度復吹其右耳三度卽起

又方

擣菖蒲末如棗核著舌下又內下部中

治尸厥脈動而無氣氣閉不通故忽然如死方

右方以菖蒲末吹入兩鼻中又以桂末著舌下

治尸厥方

鬚左角髮方寸燒灰以醇酒一杯飲之不能飲者灌之立已

又方

右方以繩圍兩臂腕男左女右伸繩從大椎度下行當脊上炙繩頭五十壯卽活

治尸厥方

右方熨兩臂脇下又取竈中墨如彈丸以漿水和飲之須臾可三四度又取梁上塵如小豆許竹管吹入鼻孔中

鬼魅

論曰心者精之合神之舍也心氣不足精神衰弱邪氣乘虛而感則為鬼魅其狀令人喜怒不常情思如醉或狂言驚怖向壁悲啼夢寐多魘與鬼交通病苦乍寒乍熱腹滿短氣不能食診其脈人迎氣口乍大乍小乃鬼魅所持之候也

九精丸方 治感鬼魅邪氣驚怖悲啼體作有時

牛黃研 荆實 曾青研 玉屑研 雄黃

研 空青研 赤石脂 元參 龍骨各一兩

共九味搗研為末鍊蜜為丸如小豆大每服一

丸食前溫酒下日三以知為度

煞鬼五邪丸方 治邪氣鬼魅所持妄言狂走恍

惚不識人


丹砂研 雄黃研 龍骨 鬼臼去毛 鬼箭

羽去莖各二兩半 赤小豆一兩半 桃仁湯浸去皮尖雙仁炒研五十枚

芫青炒去翅足三十枚

共八味除研者外搗羅為末入雄黃丹砂再研

拌勻鎔蠟和丸如彈子大囊之男左女右繫於



臂上小兒繫於頭上合藥時勿令婦人雞犬見  
亦可用蜜丸如梧桐子大每服一九米飲下日

三

黃環丸方 治邪氣鬼魅脈見人迎氣口時大時

小

黃環五兩 琥珀研三兩 丹砂研 生銀小磨細 龍

膽各二兩 元參去心 白頸蚓微炒 大黃炒 藺

茹各一兩

共九味為細末酒煮麩糊和丸如棗豆大雞鳴

及日中時用溫麝香酒下十九加至二十九以

知為度

治鬼魅四物鳶頭散方

東海鳶頭湯炙七遍焙乾由跋是也 葇蓉炒 金牙石研

防葵炒各一兩

四味為散每服一錢溫酒調下

治妖魅病人不言鬼方

鹿角鎊屑

一味擣羅為細散每服一錢自言則差

治精魅感著語言狂亂悲怖不常不飲食方

水銀一兩

一味入漿水一盞炭上煎取三分去火取水銀如豌豆大空腹溫水下三丸晚再服一九日三

辟鬼魅方

虎爪燒三雙

丹砂研

雄黃研

盤瓜燒各一兩

四味除研者外擣羅為細末再入研者拌勻鎔蠟為丸如梧桐子大每至正日一時及有狐魅處焚之甚效重巫人即神去

治鬼迷不寤方

雄黃研如粉

一味吹入病人兩鼻中差

辟諸邪祟附著及小兒驚哭恐悸方

安息香

一味取一皂子大焚令烟起邪自去

鬼擊

論曰精足則神王精耗則神衰精神耗衰血氣虛弱則邪氣易襲故爾邂逅鬼邪相遇則為鬼擊之



病其得之無漸卒著人如矛戟所傷令人胸脇腹  
滿急痛不可按仰或即吐血或下血輕者獲免重  
者或至不救治宜符禁之法兼辟邪安正之劑  
礬石散方 治鬼氣排擊心腹刺痛吐下血死不  
知及臥麗齧腫不覺者

特生礬石 鍊 皂莢 去皮 藜蘆 去蘆 雄黃 研

粉各一兩

四味為散以竹筒吹大豆許入鼻中得嚏則氣  
通即活未嚏者復使吹之又一方加丹砂麝香

各半分

升麻散方 治卒得鬼擊如刀刺胸脇腹內急痛  
不可按或即吐血或鼻中出血或下血

升麻 獨活 桂心 各半兩

三味為散每服一錢溫酒調下一方去桂心加  
犀角屑半兩又一方去獨活加大黃半兩

治鬼排擊方

熟艾 雞子大三枚

一味以水五盞煎取二盞去滓頓服之

又方

以濃酒吹灌鼻中

又方

以鹽一兩水三盞和攪飲之并以冷水濕之須  
臾得吐即差

雄黃散方 治卒中鬼擊及刀兵所傷血漏腹中

不出煩滿欲絕

雄黃一兩

一味為散溫酒調下一錢日三服化為水

治卒中鬼擊如中箭忽然一點痛如注不可忍方

右方以桃皮一片將裏面濕處貼痛上取一匙

頭安桃皮上緊搓艾一團如胡桃大安匙頭上

灸須臾痛微徹即瘥

治卒中鬼擊方

雞冠血

一味瀝口中令下咽仍破此雞搗心下冷即棄  
於道傍得烏雞尤佳

又方

豬脂

一味取雞子大服未差再服

又方

雞屎白

炒一兩

青花麻

握一

二味以酒三升浸煮取一升去滓熱服須臾汗出若不汗卽以火炙兩脅下使熱得汗乃愈

